



Das neue Jahr 2022 - ein Gedicht!

Beitrag

Zum Neuen Jahr 2022 ein Gedicht um Bild von Marga Leingarten aus Rosenheim

A ganz a nei's Neijahrsfest 2022

Zum Neijahr loss ma heia koane Raketn steign.

De müassn oisamt heruntn bleibn.

Mia machan koan Krach mia dean singa,

Dass's bis ins Weltall tuat klinga.

Pünkli um 0:00 Uhr fang ma o.

Bloß oa Sekund spata, san ma z'spat dro.

Mia brachan koa bsundas Liad singa.

Vielleicht losst a jeda irgendoan Jodla klinga?

Wenn a jeda jodelt, egal wo er is,

werd des Ganze echt guat, gwiß.

Des ko in da Dusch' sei, oda aufm Klo.

Des gibt bestimmt a scheens Solo.

Des soi uns erst oana nochmacha.

De meistn könnan's bloß lossn kracha.

Hoffentli gehts übaroi weita so.

An unsinnigen Krach brauch ma nirgendwo!

Des werd a beeriga Neijahrsanfang ohne Feiawerk und ohne Gstank.

Sowas hots no nia gebn, in mei'm ganzn Lebn.

Foto und Gedicht: Marga Leingartner, Rosenheim



Kategorie

1. Allgemein

Schlagworte





1. Neujahr